



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1663. usque ad annum 1674

**Fleury, Claude**

**August. Vind. [u.a.], 1780**

**VD18 90119193**

§. 14. Turcarum invasio in Hungariam.

---

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

bene consulta evertit, non sine maxi-  
mo rei Christianæ damno.

Sæc. XVII.  
A. C. 1663.

## §. XIV.

*Turcarum invasio in Hungariam.*

Interim in superhabita pacis negotia-  
tione Mehmet Vizirius Tartaris  
junctus sedata Ægyptii Bassæ rebello-  
ne cum centum suorum millibus Hun-  
gariam invasit, ac profligatis prope  
Baracanum Adami Comitis Forgatsii  
copiis die decima octava Augusti Neo-  
folium undique cinxit, & tumultuan-  
tibus præfidiariis die vigesima sexta  
Septembris post sex hebdomadarum  
obsidionem munitissimam hanc urbem  
deditione cepit: hujus jacturæ culpa  
ab æmulis rejecta est in Forgatsium,  
qui custodiæ datus vindicata innocen-  
tia paulo post liber dimissus est: Ve-  
zirius vero capta hac urbe promotisque  
castris Nitriam ignave defensam, &  
Leventium necnon Novigradum deci-  
mo nono obsidionis die quinto Novem-  
bris præter alias circumvicinas urbes  
expugnavit; indeque latius sese exten-  
dens, prope Freystadium trajecto flu-  
mine Cæsareos, quorum Ductor erat  
Comes Montecuculus, aggressus est,  
ingentem tamen cladem pertulit: cum  
autem idem Comes veritus, ne suis

D 4

redi-



Sæc. XVII. reditus intercluderetur, Pofonium us-  
 que ad reliquum exercitum secedere.

A. C. 1663.

Turcæ Tyrnaviam, Moderam, & Pofoniam  
 fingam versus flamma ferroque cuncta  
 devastarunt, repressi tamen fusique sunt  
 semel atque iterum in Croatiae & Sty-  
 riæ finibus: nihilominus Vezirius Po-  
 fonium ad ultroneam deditionem pro-  
 missis & minis sollicitavit, spe autem  
 sua frustratus, crebras in Moraviam &  
 Silesiam irruptiones fecit, non sine  
 maximo incolarum damno: quippe  
 Turcæ Tartaris juncti prædandi avidi-  
 tate, omnisque crudelitatis impunitate  
 stimulati Olmutzium pene usque incre-  
 dibili Tyrannide per devia & avia per-  
 vagantes, in ipsis etiam montium ca-  
 vernis in fugitivos Christianos inve-  
 stigant, senes ferro jugulant, Mulieres  
 ac Virgines stupris vitiant, infantes ab  
 uberibus avulsos ad parietes allidunt,  
 pedibus conculcant, ac in frustra gla-  
 diis dissecant, alios semivivos facces  
 involvunt, illosque in equos injiciunt,  
 adultos vero catennis onustos non mi-  
 nus quam duodecim millia, pecorum  
 more in dirissimam servitutem secum  
 abstrahunt, demum tota circum re-  
 gione rapinis, cædibus, & incendiis  
 devastata spoliis onusti ad sua castra re-  
 versi sunt. Paulopost pinquioris præ-  
 dæ spe illecti rursus Pofonio in Mora-  
 viam



viam irruperunt, ac plusquam viginti Sæc. XVII.  
 utriusque sexus millia aut morti aut A.C. 1663.  
 perpetuæ servituti destinarunt: tertiam  
 autem invasionem tentantes a rusticis  
 armatis male mulctati recesserunt: cla-  
 dem tamen suorum ulturi Silesiam in-  
 vasere, prædasque opimas & aliquot  
 Christianorum millia secum raptarunt.  
 Tum vero ipso bello major ubique erat  
 Turcicæ immanitatis timor: Fugiunt  
 ex Hungaria Viennam Palsii, Regni  
 Palatinus, Cancellarius, Strigoniensis  
 Archiepiscopus, Nitriensis Præsul, &  
 magno numero Proceres & Matronæ;  
 nec ipsa urbis amplitudo fugientium  
 numerum capiebat, unde Imperator  
 non modo Jaurinum, sed & Viennam  
 egregie communiri, ejus suburbia, ne  
 hosti prodesse queant, dirui, ac rebus  
 omnibus etiam cibariis quasi ad prox-  
 imam obsidionem instrui jussit. Con-  
 scribuntur in omnibus hæreditariis Pro-  
 vinciis milites, ablegantur Oratores  
 ad omnes Christianos Principes, ut  
 prompta validaque sollicitarent auxilia,  
 quæ tamen sub variis obtentibus ab  
 Anglis, Hollandis & Danis negata  
 fuere: Pollicebantur Galli pecunias &  
 militum suppetias, & Genuenses, Luc-  
 censes, necnon Etruriæ & Mantuæ  
 Duces ingentem auri vim conferebant:  
 Alexander quoque VII. Papa septin-  
 D 5 genta



Sæc. XVII. genta scutorum millia Cæsari iterum  
 A. C. 1663. vicibus submiserat, eique indulgit, ex immobilibus Ecclesiasticorum bonis  
 exactiones petere possent, Cardinalis  
 Harrachio Pragensi Archiepiscopo, Car-  
 raffa Apostolicæ Sedis Nuntio & Vie-  
 nensi Episcopo constitutis, qui collectæ  
 pecunias in necessarios usus partire-  
 tur. Præterea Pontifex octo peditum  
 & duo equitum millia in Styriam tran-  
 smittere, pollicitus est. Expectabant  
 etiam anxie adventus copiarum, quæ  
 Imperii Principes, Ductore Leopoldo  
 Guilielmo Badensi Marchione, sup-  
 plias mittere decreverant: Hispani  
 & Lusitani, mutui belli expensis, a  
 xilii impotentiam excusabant.

## §. XV.

*Catholici ex Anglia, Scotia & Hibernia excedere iussi.*

*Thoiras hist. d' Angl. l. 23. Salmon Hist. Chron. t. I. pag. 322.* Præter crebras conspirationes sectarum diversitas, ac frequentia guerras in Anglia tumultus & querelas contra Carolum II. Regem concitabat. Presbyteriani enim Prædicantes regere ferebant, quod Rex in sua declaratione Bredæ facta promississet, quod nullus ob religionem suam molestaretur: illi igitur Catholicis nimium favere, interpretabantur, & si Presbyterianis indulgentiam